

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiarvm

**Leuren, Peter**

**Coloniæ Agrippinæ, 1704**

Capvt Præambvlvm De modis providendi, & acquirendi beneficia in  
genere.

---

[urn:nbn:de:hbz:466:1-74485](#)



# FORI BENEFICIALIS PARS ALTERA.

De provisione & acquisitione beneficiorum.

## CAPUT PRÆAMBULUM. DE MODIS PROVIDENDI ET ACQVIRENDI BENEFICIA IN GENERE.

*Quæstio 1. Quotupliciter acquirantur beneficia?*



Espondeo: dupliciter, nimirum actu, & in potentia, quod idem est, ac acquirere jus in beneficio, & acquirere jus ad beneficium. Castrop. tr. 13. de benef. d. 2. p. 1. n. 1. Porrò jus in beneficio differt à jure ad beneficium; quod vi juris in beneficio beneficiatus obtineat potestatem administrandi illud, illudque sit proprium illius, etiam ante captam beneficii possessionem, quorum nihil tribuitur vi juris ad beneficium. Castrop. ibidem. n. 18. citans Vafq. in opus. de benef. c. 4. §. 4. dub. 1. Covar. var. resol. l. 3. c. 16. n. 3.

*Quæstio 2. Quibus modis acquiratur beneficium actu, seu jus in beneficio?*

R Espondeo: tribus; Electionis confirmatione (quo refertur postulationis admissio) institutione, collatione. Castrop. loc. cit. n. 2. Azor. institut. mor. p. 2. l. 6. c. 22.

*Quæstio 3. Quibus modis acquiratur beneficium potentia, seu jus ad beneficium?*

1. R Espondeo sequentibus: primò electione, secundò præsentatione.

2. Tertiò vigore gratiæ exspectativæ, quæ nimirum conceditur alicui, ut præbendam vacante, quam maluerit, obtineat; ita tamen ut hæc gratia jus ullum considerabile tribuat, debeat esse acceptata, cum ante acceptancem sit revocabilis à concedente. Castrop. loc. cit. n. 9. citans Garc. de benef. p. 4. c. 3. n. 14. Gonz. gl. 26. n. 20. Mandos. reg. 3. q. 14. num. 3. quamvis hoc jus ex acceptance exspectantis non sit ita considerabile, ut de eo fieri debeat mentio in impetracione, seu reservatione facta à Papa de tali beneficio, aut præservetur per clausulam in literis de beneficis vacantibus apponi solitam vel subintellectam: modò non sit in eo alicui jus questum (sicut alías per eam, præ-

servatur jus, etiam ad rem, quæsumus alio modo, puta, per electionem, præsentationem.) Garc. loc. cit. n. 18. & seq. & ex eo Castrop. loc. cit. cùm enim exspectativa concessa non sit pro aliquo determinato beneficio, non videtur magnopere isti gratiæ derogari per dictam reservationem vel impetracionem, dum exspectanti salvum manet jus utendi, datâ sibi exspectativâ in aliis beneficiis. Castrop. ibid.

3. Quarò, vigore gratiæ exspectativæ concessæ recepto in Canonicum, seu vi mandati de providingo tali de prima præbenda vacatura; quia vi hujus juris cogere potest, ut sibi vacans præbenda conferatur. Castrop. loc. cit. n. 10. Garc. loc. cit. n. 16. juxta c. si postquam. deprab. in 6. Verum modò per Trid. sess. 24. c. 19. omnes istæ exspectativæ & mandata de providingendo beneficio vacaturo sunt sublata. Unde eligi nequit Canonicus supernumerarius cum exspectativa ad præbendam proximè vacaturam, nisi forte in ea Ecclesia, ubi immemorialis talis consuetudo vigeret. Castrop. n. 12. Gonz. ad reg. 8. §. 1. proœm. n. 64. Garc. p. 6. c. 1. num. 5.

4. Quintò, collatione nondum acceptata, si tibi absenti. de prab. in 6. quia facta collatione, conferens retrocedere non potest, sed debet consensum collatarii exspectare intra terminum datum ad consentendum, secus ac in aliis donationibus, in quibus ante acceptationem donatarii datur illi jus pœnitentiarum: quia in beneficiis conferens disponit ex officio & obligatione, in rebus autem aliis ex voluntate. Castrop. n. 12. citans Gonz. gl. 26. num. 4. Vafq. loc. cit.

5. Sextò, reservatione beneficij in favorem alij, acceptantis hanc reservationem; quia per talem reservationem adjudicatur ei beneficium. Castrop. cit. n. 12. Garc. p. 4. c. 3. n. 43.

6. Septimò, consuetudine seu privilegio optandi præbendam pinguiorem vacantem. Castrop. num. 13. Garc. num. 45. non tamen requiritur, ut prius præbenda vacet, aut sit acceptata, quam sit debita, cum illa facultas optandi pinguiorem præbendam sit veluti quoddam mandatum de providingendo, concessum, v.g. antiquiori de aliqua deter-

## Caput præambulum.

minata præbenda; vel quasi quædam gratia exspectativa admis̄a pro præbenda primò vacatura, quæ vacationem præbenda non requirunt, sed solum acceptancem mandati, vel gratia exspectativa. Unde et si ab alio imperetur, vel à Papa reservetur, derogatur utique juri, quo vi illius consuetudinis & privilegi præbenda primò vacatura debita erat Canonico antiquiori. Caſtrop. n. 13, contra Garc. loc. cit.

7. Octavò: pensione non soluta pensionario; cùm ob hanc causam Papa soleat concedere regrefsum & accessum ad beneficium gravatum pensione. Caſtrop. num. 14. citans Parif. de refg. l. 6. q. 3. n. 15. opus autem est ad hoc jus acquirendum pensionario, ut is declaret, se velle ut illo, & insuper ut pronuntietur sententia, faltem declaratoria, contumacia non solventis pensionem, quæ non profertur, nisi magna fuerit illius protervia. Caſtrop. l. cit. d. 1. p. ult. §. 6. latè autem hāc sententiā non tantum jus ad beneficium, sed etiam jus in eo conferri pensionario censet Garc. loc. cit. n. 49. contrarium probabilius Caſtrop. egere nimirum insuper pensionarium judicis executoris collatione, cùm facta dicta sententiā declaratoria, pensionarius adhuc nequeat propriā auctoritate sumere possessionem beneficii, sed auctoritate judicis executoris accedere debeat, utpote cui & executio privationis beneficii & regressus & accessus beneficii conceditur.

8. Nonò: Coadjutoriā cum futura successione; quia est quasi mandatum de providingo ad determinatum beneficium. Caſtrop. n. 16. Garc. n. 8.

9. His addit duos alios modos Garc. l. cit. n. 54. & 68. nimirum concessionem beneficii in eventu privationis; verū improprium esse hoc jus, utpote concessum sub conditione, non necessariò evenitura (secūs ac dum conceditur sub eventu vacatio- nis, quæ est conditio necessariò evenitura, quam concessionem solus Papa facere potest, juxta c. nulli. & c. relatum, de concess. prob. censet Caſtrop. nu. 15. Alterū oppositionem, stante consuetudine seu conſtitutione opponendi, quod ut verum sit, ait ibidem Caſtrop. debet oppositor verificare, qualitates ad beneficium requisitas sibi soli competere. Adjiciuntur quoque ab aliis paſſim duo alii modi acquirendi jus ad beneficium, nimirum resignatio in favorem & permutatio; verū quia hi supponunt prius beneficium amitti, de his infra. De ceteris modis explicatis in præſente.

### Ques. 4. Quid sit electio & confirmatio?

R. Respondeo: utriusque definitionem dandum, & declarandam sc̄t. seq. c. 2. & 3. ubi de electio- ne & confirmatione.

### Ques. 5. Quid sit præsentatio, & qualiter hoc nomen sape confundatur cum aliis mo- dis acquirendi beneficium?

R. Respondeo ad primum: est exhibitio perso- na per Patronum Episcopo, vel alteri, ad quem institutio pertinet, legitimè facta, intellige, in ordine ad instituendam illam in beneficio. Garc. p. 4. c. 1. n. 15. Leſſ. de iust. c. 34. n. 12. Roch, de jurep. in principio q. 3. &c. ex Abb. m.c. ca cognoscitur de his, quæ fiunt à prelat. Differt autem ab electione, quod ea fiat à pluribus, ut à Capitulo, & à solis Ecclesiasticis, & per suffragia, & potissimum in prælaturis locum habeat; Præsentatio autem ab una etiam persona, et si laica, & in quovis beneficii genera- re. Leſſ. loc. cit. num. 15. vide plura de hoc in de-

finitione electionis, & apud Laym. ad tit. de elect. num. 8.

2. Respondeo ad secundum: pro præsentatio- ne Clerici ad beneficium nomen electionis quandoque usurpatur, ut in c. querelam. de elect. & c. nosce 12. & seq. d. 63. quibus in locis jus eligendi, id est, nominandi, posſulandi aut præsentandi, tribuitur populo. Laym. l. cit. n. 1.

Ques. 6. Quid sit institutio (quod est correlativum presentationis non sc̄us ac confirmatio electionis. Lott. l. 2. q. 1. n. 23.) & qualiter confundatur sape cum aliis mo- dis providendi de beneficis?

R. Respondeo ad primum: est canonica ordina- tio facta per Episcopum, vel alium, ad quem spectat, in beneficio vacante de Clerico per patronum legitimè præsentato. Argumento c. decernimus. 16. q. 7. Lott. l. 2. q. 13. n. 18. vel, ut communis alii; est concessio beneficii facta legitimè au- toritati Episcopi, vel alterius, Clerico à patrono præsentato. Filliuc. tr. 41. c. 3. n. 9. ex Azor. p. 2. l. 6. c. 22. q. 1. Differt à collatione propriè tali, quod supponat præsentationem, sitq; concessio obligatoria (obligatur enim Prælatus conferre beneficium, qui à patrone est præsentatus. Abb. in c. aucto- ritate. de institut. nu. 7. Barb. de potest. Episc. alleg. 72. n. 1.) collatio autem propriè talis fit voluntaria beneficii concessio, seu quæ fit superioris arbitratu sine ulla electione, postulatione, aut præsentatione. Caſtrop. l. cit. n. 2. Azor. l. cit. differt à confirmatione, quod fit collatio vel provisio illius, qui præsentatus est à patrono. Confirmation fit illius, qui electus est. Leſſ. l. cit. n. 13. Item quod nomina- tionem factam ab Ecclesiastico non requirat; cum præsentatio sape fiat à laicis, confirmation autem est de persona à communitate Ecclesiastica nominata. Caſtrop. l. cit. Aliud quoq; est admittere, aliud instituere, quamvis id diversimodè ex- plicient Auctores. Juxta Jo. Monach. & Jo. Andr. admittere est recipere seu approbare, & in titulum tradere; instituere autem est mittere in corporalem beneficii possessionem, & hoc sensu videri lo- qui Trid. ſeq. 7. c. 13. ait Pirk. ad tit. de institut. n. 5. Juxta Anchoran. admittere est ad examen recipere, instituere est approbare, seu jus & titulum tribue- re. Pirk. ibid.

2. Resp. ad secundum: quamvis igitur vox in- stitutio, si referatur ad præsentationem, nomen proprium retineat. Lott. l. 2. q. 1. n. 12. quin & vul- garis etiam intellectus hujus vocis eam referat ad institutionem necessariam. Lott. ibid. n. 14. ex Aegid. de iſ. 94. n. 2. Unde n. 13, ait institutionem nunquam dici collationem præterquam certo modo ex Gamb. de off. leg. l. 3. n. 5. De cetero tamen vox est significations diversæ. Ac primò quidem nomen est generis, aptum comprehendere collationem, electionem, institutionem (intellige propriè tam) & quamcunque alias dispositionem bene- ficialem (quamvis alias, ut ait Lott. ibid. num. 22. instituere & provide videantur modi incompatibilis) Lott. ibidem. num. 11. citans Verallum p. 1. de iſ. 297. num. 2. Germon. de iudicis Card. §. ac benefic. num. 34. &c. Secundo sape dicitur de confirmatione, confirmatione & institutio dicuntur promiscue, & unum pro altero ponit. Lott. ibidem. num. 16. juxta Gloss. in c. hoc tan- tum 18. q. 2. v. instituere. Tertiò termini quoque collatio & institutio sape confunduntur, & instituere quandoque ad liberam collationem refertur. Lott.

## De modis providendi beneficia in genere.

Lott. n. 15. citans Gamb. de off. leg. l. 3. n. 127. item Lott. l. 2. q. 45. n. 80. citans Abb. inc. auctoritate de institutionibus. n. 8. Menoch. conf. 19. n. 7. Quartus sumitur pro traditione possessionis, ut contingit sere in tit. de institutione Lott. cit. n. 80. Institutio sumitur etiam pro titulo, dum dicitur, beneficium non posse teneri sine canonica institutione, hoc est sine titulo. Lott. l. 3. q. 2. n. 6. Nihilominus tamen promiscuam illam istarum vocum instituire, conferre, confirmare, &c. usurpatiōnem in foro beneficiorū non licere sine imprudentia nota, inquit Lott. cit. q. 1. n. 17. Unde recte monet ibid. n. 18. & 19. quod, cum cuique voci, quamvis aequivoce, certa insit interpretatione, aut ex verisimili mente disponentis, aut subjecta rei natura, ubique oritur hujusmodi aequivocatio, debeat ea explicari & declarari per discretionem; ut, si fundator mandarit Capellam a se eretam conferri per heredes suos, minime in hoc casu herendum proprietati hujus vocis conferre, utpote quā illius dispositio tanquam impossibilis subvertatur, sed ex natura subjecta materia flectendam hanc vocem, quā usus est fundator, ad jus presentandi. Lott. cit. q. 1. n. 20. ex Barbat. l. 2. conf. 33. n. 17.

### Quæstio 7. Quotuplex sit institutio?

1. R<sup>E</sup>spondeo: duplex. Alia collatoria tituli, alia auctorizabilis. Lott. l. 2. q. 12. n. 6. & 11. & l. 1. q. 33. n. 99. Institutio collatoria tituli pro subjecto habet ipsum beneficium, ut optimè declarat Felin. in c. per tuas. de majoritate & obed. n. 4. & non necessariò manat ab Episcopo.

2. Auctorizabilis pro subjecto habet curam animarum, cui adharet iurisdictione fori pœnitentialis; & hac necessariò manat ab Episcopo, tanquam ab universalī sua diocesis parocho; adeoque talis est hac institutio auctorizabilis, ut absque ea impossibile sit exercere curam. Lott. l. 1. q. 25. n. 13. citans Socinum in c. cum & plantare. de privilegiis. n. 8. declarantur hac, v.g. dum monasterium aliquod presentat Episcopo eum (sive es fæcularis, sive regularis sit) qui curam animarum gerat in Ecclesia aliqua parochiali, vel etiam, qui vice monasterii curam gerat, & propterea dicitur Vicarius, duæ concurredunt diversæ, & ad diversa institutiones; videbatur collatoria tituli, cuius subjectum, ut dictum, est ipsum beneficium, & hæc manat non ab Episcopo, sed a superiori regulari, intellige, dum præcise monasterium non habet tantum præsentare strictè tal, sed conferre.

3. Altera auctorizabilis, cuius subjectum est simplex cura, & hoc procedit non à superiori regulari, sed ab Episcopo tantum, in quo radicatur ipsa cura. Lott. cit. q. 33. nn. 99. citans Gl. Franc. Gemin. in c. unicum. de Capellis monach. in quo casu etiam juxta dicta alias alteratur circa tales Vicarii, si es regularis est, seu alias merè obedientiaris, vis obedientiaris propter interventum Episcopi, operante hanc obedientiaris alterationem auctoritate Episcopi & prærogativa cura populi, Lott. ibid. n. 98. citans plures. Et hæc vel maximè, dum monasterium exemptum est exemptione simple, sine exemplo populo & parocho; et si autem, dum monasterium exemptum exemptione plenâ, hoc est una cum populo & parocho, pertinetque Ecclesia parochialis pleno iure ad monasterium, juxta jus commune nullas sibi partes vendicare possit Episcopus, ut Lott. cit. q. 25. n. 14. adeoque non videatur Episcopo permissa institutio hæc auctorizabilis, quæ locum non habet in ejusmodi exem-

ptis. Lott. cit. q. 33. n. 100. citans Seraph. decis. 1304. n. 3. nihilominus id referendum est ad actum personæ ipsius Episcopi; quia in effectu institutio illa auctorizabilis implicita est provisioni Abbatis ipsius monasterii, utpote qui censetur jure proprio instituere Vicarium institutione collativa, & Vice-Episcopi illum instituere institutione auctorizabilis. Lott. ibid. n. 101. citans Anchæ. & Jo. Andr. in c. de monachis. de probend. prosequitur hæc ipsa Lott. l. 2. q. 12. à n. 6. ubi: quod, quamvis Episcopus de jure communi fundet intentionem super utraque illa institutione, possit tamen ex concessione ipsius Episcopi vel Papæ, non tantum institutio collativa tituli, sed & illa auctorizabilis monasterio aliqui acquiri, ut dum Episcopus concedit monasterio in ejus usum, ad sublevandam v. g. ejus paupertatem, Ecclesiam cum populo pleno jure respectu temporalium & spiritualium, utraque institutio, collativa & auctorizabilis, est penes monasterium, non quidem jure proprio, qualibet ab Episcopo avara, & in monasterium translata (quali modo Episcopum abdicare a se curam & institutionem auctorizabilem est impossibile) sed jure Episcopi ac ipsius vice, adeo ut monasterium in hoc dicatur Vicarius Episcopi. Lott. ibid. n. 13. ex Jo. And. in c. de monachis. de prob. n. 10. & Anchæ. ibid. n. 7.

### Quæstio 8. Quid sit collatio propriè talis, & qualiter hoc nomen competit quoq; aliis modis providendi de beneficiis.

1. R<sup>E</sup>spondeo ad primum: est donatio, seu concessio beneficii vacantis ab habente potestatem liberaliter facta. Castrop. cit. p. 1. n. 2. Azor. p. 2. l. 6. c. 25. ad initium, juxta c. proposuit. & c. quia diversitas de concess. prob. sic itaque conferre accipitur hic pro largiri & donare; quæ enim donationis liberalitate in alium transferimus, propriè etiam conferre dicimus. l. si filia tua. c. de donat. antè nupt. & quod ita translatum est, collatum nuncupamus. l. de rebus. c. cod. tit. Lott. l. 2. q. 1. n. 2. five autem fiat motu proprio, five ad petitionem imprebitantis, non variat naturam collationis, hoc est, liberalis donationis. Castrop. ibid. juxta c. si motu proprio. & c. si tibi absent. de prob. in 6. Et licet collator non possit beneficium pro se retinere, aut in alium usum pro suo arbitrio convertere, sed tenetur illud conferre cum omni integratate, Paris. de resignat. l. 8. q. 9. n. 32. Mascal. de prob. cons. 313. n. 5. &c. apud Lott. l. cit. n. 4. & vel hinc sit, cur donatio propriè cadat in collationem beneficiorū (donari enim videtur, quod nullo jure cogente conceditur; Mantica. de tacitis & ambig. contract. l. 13. tit. 2. n. 5. & seq.) adeoque hac beneficia Ecclesiastica impropiè donari dicuntur; adhuc tam proprietatem donationis in hac collatione defendi posse, si non respectu Ecclesie, saltem respectu persona, in qua confertur, ait Lott. ibid. n. 7. citans Selvam de benef. p. 2. q. 11. n. 9. & Propos. in c. 1. d. 23. n. 49. Neque ideo dicitur minus libera, quod quandoq; jus conferendi simil ad plures pertineat; considerant enim in ipsis collatoribus tanquā jus individualium, ac propere si per unum solum eorum fiat efficax omnino reputabitur, cum apud unumquemq; sit jus in solidū, & omnes reputentur unus, adeoq; uno eorum conferente, alii censentur consentire, nisi protestentur, & expresse contradicant. Lott. l. 2. n. 29. & 30. ex Gonz. ad reg. de mens. gl. 45. in principio ex. n. 69. & § 3. n. 45. Unde iam patet, quæ sit differentia inter collationem propriè talis, & inter institutionem & confirmationem; quod

## Caput præambulum.

nimirum ea sit independens à voluntate aut nutu alterius. Unde & cum addito dicitur collatio necclesia. Lott. *ibid. n. 8. & 9.* & sic, qui est in quasi possessione instituendi, non potest effectum hujus possessionis extendere ad ius conferendi. Lott. *ibid. n. 10.*

2. Respondeo ad secundum: confundi nihilominus quandoque nomen *collationis* cum institutione & confirmatione electionis, & importare quacumque beneficii provisionem, ut videre est apud Lott. *n. 11.*

*Questio 9. Quid sit Investitura, seu investitio, & qualiter sumatur etiam pro aliis modis providendi de beneficiis?*

**R**espondeo: Investitura, quæ fieri solet per bireti, annuli, aut pannorum traditionem (de qua multum Dynus in reg. 1. in 6.) quid propriè sit, obscurè satis, & non eodem modo ab omnibus explicatur, Barbos. *de jure Eccles. l. 3. c. 13. n. 5.* ait: investitura est institutionis, vel collationis confirmationis, & missio in possessionem, & in Principibus cōferentib⁹ beneficia accipitur pro collatione ipsa & confirmatione; & in secularibus collatio feudi propriè dicitur investitura. Laym. in c. *noſti. de Elec. n. 13. & Abb. in c. auctoritate. de institution. n. 9. & in c. ex literis. de consuetud. n. 10.* distinctius explicat, dum ait, investituram interdum fieri una cum institutione, seu tituli traditione, quæ verbo fit, vel scripturā; & in hoc casu investitura continet & significat translationem juris ac tituli; unde deinceps facultas accipiendi possessionem rei, seu beneficii vacantis, aut eam petendi, ubi ab alio corporaliter introducendus est investitus; siquidem, ut Laym. *ibidem* specialis alicuius Ecclesia consuetudo aut statutum vigere potest, ut verbaliter institutus, provisus aut confirmatus, possessionem, quamvis vacantem, ipsem capere non debeat, sed solemiter & corporaliter introduci in possessionem, adeò ut prius, quam ea solennitas C. quæ vocari etiam solet installatio, & olim fieri solebat per Archidiaconum *juxta c. ad hoc. de off. Archid. & c. cū Bertholdas. de sent. & rejudicatis* peracta sit, possestio acquista non censeatur, juxta Abb. in c. *cum super. de causa poss. n. 17.* In summa itaque investitura, quæ post confirmationem aut tituli collationem adhibetur, plerumque tantum significativa est juris jam ante accepti, nec nou facultatis possessionem vacantem intrandi. Laym. *ibidem.* Idem ferè tradit. Lott. *l. 2. q. 1. n. 24. & seq. ubi,* quod investitio fit quid communè tribus illis: collationi, institutioni, confirmationi, in eorum executione, in tantum, ut quicunque habens potestatem conferendi, instituendi, &c. per ipsam investituram seu traditionem possessionis censeatur conferre, instituere, confirmare. citat pro hoc Abb. in c. *auctoritate. n. 9.* Neque enim necesse est facere duos actus, cùm illa investitio, licet sola & simplex inducit in possessionem facta ab eo, qui habet auctoritatem conferendi, investiendi, &c. involvit ipsi actū collationis, institutionis &c. eō quod, ut Lamb. *de jurep. l. 2. p. 3. q. 11. a. 1. n. 9.* Selva de benef. p. 3. q. 10. n. 11. in collatione non exigatur certa verborum formula, possitque fieri per quacumque actum, sive verbalem, sive realem, modo ex eo voluntas collatoris, institutoris &c. possit deprehendi, adeoq; idem actus investitionis servire possit pro collatione, institutione, &c. Investitu-

ra interdum vero fit post tituli collationem, seu institutionem, in quo casu solennitas ista investitura plerumque (dicitur plerumque, quia potest interdum fieri, ut per investituram tradatur possessio rei, si nimirum vel ipse possessio antiquus, vel is, qui v. g. Ecclesia vacantis curam cum auctoritate habuit, in conspectu rei per dictam investituram, scilicet per traditionē bireti vel annuli transferat possessionem. Argumento *l. quod meo. ff. de acquir. poss.*) parum aut nihil operatur; quia titulus autem collatus est, & jus acquisitum, possessio autem ordinaria loquendo per investituram non transferatur; arque ita investituram, quæ post confirmationem aut tituli collationem adhibetur, plerumque tantum significativam esse juris accepti, nec non facultatis possessionem vacantem intrandi & acquirendi.

*Questio 10. Quid sit nominatio?*

1. Respondeo: nominatio in genere est electio quadam, sive evocatio de persona magis idonea. Lott. *l. 2. q. 15. n. 7.* Verum variè hoc nomen usurpat, ac nominatio ita genericè sumpta multis variis dividitur. Est enim nominatio tripliç generis, prout ex triplici fonte jus nominandi dimanat: nimirum velex ipso jure patronarum, ex jure eligendi, vel ex iudicto pontificio. Lott. *ibid. n. 9. 26. & 30.*

2. Primi generis, procedens à jure nominandi perpetuò juri patronatus implicito, & præsentationi (cujus etiam nomine sapienter venit) similis, est actus ille, qui simplex nominatio dicitur, quo patronus ipse in absentia habentis instituere præsentat, seu aliquem determinat; non enim est hic actus pro tunc præsentatio, neque vim præsentationis fortitur, jusque ullum interim acquiritur tali nominatio, priusquam is se coram habeante instituire præsentet cum instrumento præsentationis. Lott. *cit. n. 9.* Secundo: est actus ille procedens à jure nominandi adhuc magis formalis, quo, dum penes parochianos, v. g. vel universitatē aliquam aliam est ipse patronatus, unus vel plures ab ea, minus commodè portente convenienti, deputati, nominant unam vel plures personas, quæ postmodum præsententur habenti instituere, qui actus nominationis, distinctus ab ipso actu præsentationis, dicitur quicunque, et si minus propriè, electio. Lott. *n. 11. & 12.* citans Abb. in c. 2. *de jurep. n. 3.* Lamb. *de jurep. l. 2. p. 1. q. 1. a. 4. n. 2. & 3.* Ejusdem rationis est actus ille nominandi, quo parochiani consueverunt nominare aliquem, vel aliquos coram actis, puta, capitulo, quem vel quos præsentare solet Capitulum coram Episcopo habente instituere. Lott. *n. 13.* Porro dum is, qui nominat, jure suo nominat, non vice aut mandato alterius, ita ut qui deinde præsentat, non habeat actum præsentationis liberum, sed teneatur præsentare nominatum vel nominatos, nominatio rapit in se totum jus præstantium, neque qui præsentat intelligitur patronus, sed patrobus executor. Lott. *n. 15.* Dum vero is, qui nominat, non nominat jure suo, sed jure alieno alienatus vice, v. g. dum deputati ab universitate nominant, & nihilominus universitas ex promissione propria tenetur sequi nominationem, & nominatum, nullumq; alium aut præter illum præsentare; adhuc patronatus spectabit ad universitatē demandantē vices suas, non ad deputatos illos, eā ratione, ut factum ab his dicatur factum ipsius universitatis. Lott. *n. 19. & 20.* non obstante nexus illo, quo se universitas obstrinxit ad præsentandum, quæ deputati nomi-

nominassent (quoniam nec obstante, quod deputatio ea esset facta in perpetuum, ita ut uno ex deputatis defuncto, superstites possint alium ejus loco substituere. Lott. n. 25.) cum semper in illis representetur universitas, & nexus ille oriatur ex ipsis universitatis spontanea voluntate. Unde & actus, qui sequitur, eidem spontanea voluntati tribuitur; cum à primordio tituli posterior formetur eventus. Lott. n. 22. & seq. Idque verum, sive post ipsum actum nominationis sequatur actus presentationis per ipsam universitatem, seorsim à deputatis presentantem, sive in eo simul interveniant deputati, qui nominarunt, cum uterque actus originetur in universitate mandante seu deputante. Lott. n. 21. citans Rotam.

3. Secundi generis est primò actus ille, quo ab habitibus eligere solemnitate juxta formam c. qua propter. de elect. ante scrutinium in capitulo nominantur seu proponuntur unus vel plures, tanquam viri boni, idonei ad prælaturem: quo actu seu nominatione nullum omnino jus queritur nominatis, cum à Collegio proponantur solū, ut, si placuerint, elegantur; distinguunturque ab ea nominatione, qua sit in scrutinio: & de hoc actu loquitur c. quod sicut. de Elect. Azor. p. 2. l. 6. c. 18. q. 1. Laym. ad rit. de Elect. fab. initium. n. 5. Lott. n. 27. ex Abb. Secundò actus ille, quo in scrutinio fertur suffragium, sive quo singuli Electorum aliquem certum secretò nominant, scribendo nomen illius in charta his vel similibus: eligo aut nomino Titum: Sed neque per istam nominationem jus ullum queritur nominato, quamvis publicato scrutinio, amplius mutare nequeant sententiam: Azor. loc. cit. Lott. n. 28. Tertiò: actus ille, quem ad distinctionem priorum duorum Abb., apud Lott. n. 27. vocat nominationem solemnum, quo nimirum duo vel plures, qui ceteris magis idonei judicati sunt, à Collegio Canonicorum nominantur & offeruntur Principi seu Superiori, ut quem ipse ex illis maiuerit, confirmet, quā nominatione oblatā Superiori, Electoribus variandī sententiam potest non est. Azor. loc. cit.

4. Tertiī generis, nimirum ex Pontificio indulto profluens nominatio duplex est. Prima concessa summis Principibus (quam regiam vocat Azor. p. 2. l. 6. c. 18. q. 3.) nempe vel implicita, quales sunt primariae preces concessæ Imperatori; ex enim aliud nihil continent quām jus nominandi personam, cui conferatur beneficium, sive sunt privilegium, vi cuius Imperator in qualibet Ecclesia Germaniaꝝ tantum potest facere recipi (qua potestas longè quid diversum est, & minus à potestate conferendi, cum recepto non oriatur titulus ex facto Imperatoris, sed ex facto Capituli aut Prælati Ecclesiastici recipientis ex mandato Papæ. Lott. l. 1. q. 6. num. 47. & seq. citans Jo. Andr. & Præp. ) unum; ita ut per has preces imperiales unus collator non possit gravari, nisi semel, nec etiam una Ecclesia, nisi semel Lott. ibid. n. 48. citans Gratian. discep. for. c. 478. n. 15. quamvis hujusmodi preces eidem persona plures respectu diversorum beneficiorum & Ecclesiarum concedi possint. Lott. n. 49. de hoc jure preeum Imperialium vide Chochier, qui integrum de iis conscripsit tractatum, & dicenda à nobis sett. 1. seq. c. 1. Vel explicita, quale est indulsum nominandi ad prælaturas sui regni concessum Regi Galliaꝝ. Lott. l. 2. q. 15. n. 31. de quo latè Rebuff. & Tholosan. Syntagma. juris. l. 17. c. 12. n. 24. Azor.

P. Leuren. Fori Benef. Tom. II.

l. cit. ubi: quod vacante Ecclesiâ Cathedrali, vel Metropolitanâ (idem est de Abbatia) Episcopus à Collegio Canonicorum non eligitur, sed Rex intra sex menses vacationis aliquem nominat & offerit Pontifici, quem, si in eo nihil requisitorum deficit, Papa instituere & creare debet Episcopum; si autem nominatus à Rege idoneus non fuerit, Rex quemque intratres menses (Lott. n. 37. februario ponit) aptiorem nominare compellitur sub pena devotionis, ut Lott. Is vero nominatus habetur idoneus, qui annos ad minimum 27. natus (& quod ad Abbatias 23. annorum) quamvis veteres Canones majorem atatem requirant, in schola aliqua celebri literarii honoris gradibus insignis, v. g. in Theologia vel jure civili, aut Ecclesiastico Doctor aut Licentiatus. Quamvis & alios nominatos carentes his gradibus Papa creare debet Antistites, ut sunt Episcopi Gentiles & consanguinei aliaꝝ que personæ illustres (sapientia enim utilitas & ratio aliqua temporalis postulat, ut hujus generis viri, postpositis humilioribus & obscurioribus hominibus, ad sacras præfecturas promoveantur) Item regulares & mendicantes, quibus vis statutorum Ordinis interdictum est istis scholasticis gradibus, modo sint excellentis virtutis & doctrinae: uti nec isti gradus requiruntur in nominandis ad Abbatias. Porro hoc jus nominandi inter dictum Regi non competit, ut si in aula & comitatu Papæ mortuo præfule vacaverit Ecclesia, cum tunc solius Papa mutu & arbitrio creetur Antistites: ita ferè Azor. Altera est nominatio (quam scholasticam vocat Azor,) concessa non solū in Gallia (de quo integrum tract. scripsit Rebuff.) sed & alibi celebrioribus quibusdam Universitatibus, seu Academis favore, ut ait Lott. n. 33. pauperum literis incumbentium, seu pauperum graduatorum, ut illis de honesto aliquo subsidio Ecclesiastico succurratur usque ad certam quantitatem; Attributis in hunc finem tertią parte beneficiorum exceptis Ecclesiis Metropolitanis, Cathedralibus & Cenobiarchiis; nimirum quæ 4. mensibus Januario, Aprilio, Julio, Octobri, ut Azor, loquens de Academiis Galliaꝝ, hoc est, tercia anni parte vacaverint, ut ea literarum cultoribus ad academicos honorum gradus promotis conferantur ab Episcopo, Collegio, vel aliis, qui jus habent beneficia conferendi, non nisi nominatis à schola publica, seu Universitate, Azor. loc. cit. ita ut gratia istius nominationis scholastica non recedat à natura expectativa, ut Lott. n. 35. Jus enim, quod talis nominatus per eam acquirit est, ut ei beneficium ex dictis, quod postea vacaverit, conferatur, Azor. ibid. ubi etiam de gradibus, quibus instructus esse, & tempore, quo studiis vacasse debet quis, ut jure nominari possit: & quod necessarium inter reliqua, ut nominandus declaret beneficia, quæ obtinet, unā cum vera justaque annuorum proventuum designatione; cum eos nominare non licet, qui beneficio sunt donati ad quantitatē 200. aureorū, ac propterea hujus quantitatis mentio fieri debet. Porro nominatu per Universitatem, dum ei fit contradic̄to, teneri justificare suam nominationem, ad cuius executione agit, probando qualitates in indulso requisitas, & quod beneficium non excedat valorem taxatum, tradit Lott. à n. 34. cit. q. 15. Ex decreto autē Greg. XIII. qui cessit nominationi aut beneficio, ad quod prius fuisse nominatus, eō ipso redditur inhabilis ad alias nominationes. Lot. n. 42. Quod si autē fuisse nominatus ad alia, quæ adhuc

A 3

obti-

obtinet, non poterit inniti primæ nominationi, nisi justificato, quod omnia simul non excedunt summan taxatam. Et hæc, dum nominatus est actor, & petet; si enim esset reus & possessor, utiq; præsumeretur pro validitate & iustitia actus, & dicenti valorem esse supra taxam, & nominatum obtinere alia beneficia, incumberet onus probandi. Lott. num. 43. citata Rebuff.

5. Datur & alia nominatio cum dictis nominationibus ex parte symbolizans; nimirum quæ sit in Ordine militari S. Joannis Hierosol. in comitiis linguarū juxta ejusdem Religionis statuta, vocatürque eorum vulgari sermone similitio, in qua non tantum non prohibetur ambitus, sed imponitur necessitas petendi sub pena inhabilitatis pro ea vice, juxta c. 43. tit. de commendis. Lott. n. 44. & sequentibus. Ut verò ista nominatio tribuat nominato jus, necessaria est exspectativa magni Magistri, quæ dari solet sine prejudicio majoris Antianitatis alterius cum clausula: *ex tunc pro ut ex tunc.* Tribuitur autem per hujusmodi nominationem factam in vim exspectativæ ad minimum jus ad rem, ita ut compelli possit magnus Magister ad

conferendum, eoque recusante possit committi causa in Rota, ut Auditor ipse conferat in vim Clem. Auditor. de rescript. Lott. num. 46. In his autem similitudinibus perpetuo præferuntur magis Antiani, tam ex forma concessa exspectativa, quam ex juris communis dispositione, nullâ habita ratione majoris merentia, utpote cuius ratio non habetur in aliis quam dignitatibus conventionalibus: Habetur tamen etiam ratio incapacitatis personæ, quæ nulla est frequentior, quam debiti erga commune ærarium; ita ut, qui tempore vacacionis seu similitudinis fuerint reperti debitores communis ærarii, sint incapaces ad obtainendas dignitates & Commendas vacantes; quapropter qui intendunt similiture, solent comparere in lingua, & exhibere publicum testimonium Secretarii, quod non sit descriptus in listis debitorum ipsius ærarii; creditur enim tali testimonio officialis, ad quem ea res pertinet. Lott. à num. 47. Vide eundem de hoc pluribus num. seq.

\* \* \*

## SECTIO PRIMA.

De provisione & acquisitione beneficiorum per præsentationem & institutionem.

### CAPUT PRIMUM.

#### DE IVRE PATRONATV.

##### PARAGRAPHVS I.

###### De natura & divisione juris patronatū.

Quæstio II. Quotupliciter in iure accipiatur nomen patroni & jurispatron.

**R**espondeo: tripliciter. Primo: pro advocate, & juspatr. pro iure advocatæ, cujusmodi patroni sunt, qui patrocinium causarum forenium, quæ in judicio agitantur, suscipiunt. Secundo: pro Domino, & juspatron. pro iure civili introducto, quod competit Domino, seu Dominus acquirit pro beneficio manumissionis, quo servum dimittit liberum, in personam liberti, seu servi manumissi ad obedientiam & operas sibi præstandas: de quo exstat tit. in ff. de jurepatronat. & Cod. de bonis liberti & jurepatr. Tertio: pro iure inducto à SS. Canonibus nominandi ad beneficia Ecclesiastica.

Pirh. ad tit. de jurepatr. sub initium.

Quæstio I. Quid sit juspatronatus hoc ultimo sensu acceptum, & quotupliciter consideretur?

I. Respondeo ad primum: definiri illud passim Rex Abb. ad c. 3. & in rubr. de jurep. Ius honorificum, onerosum, & utile, competens alicui in Ecclesiis, quod de Ordinarii consensu eam exstruxerit, fundarit vel dotarit, aut a suis antecessoribus factum fuerit. quam definitionem explicatam vide apud Barbol. Juris Eccl. l. 2. c. 12. n. 1. Verum clarius & brevius ex Host. in sum. l. 1. n. 1. quod sit potestas nominandi seu præsentandi promovendum ad beneficium vacans. Azor. p. 2. l. 6. c. 19. q. 1. Less. l. 2. de Just. c. 34. n. 17. Castrop. tr. 13. d. 2. p. 2. n. 1. Pirh. loc. cit. n. 1. in ordine nimis ad præcipuum actum & exercitium patroni, licet de cetero multa alia iura competant patrono: Castrop. ibid. nimis honorificentia & præstatio alimentorum. Addit Host. ad beneficium simplex: cum tamen ad duplex etiam præsentare possint patroni; quia per simplex intellectu beneficia non electiva, seu qua Prælatuæ non sunt. Pirh. loc. cit. Dat & aliam descriptionem Lott. l. 2. q. 3. n. 22. & seq. quod nimis sit prærogativa (quod est genus, complectens sub se omne privilegium, unde & dici-

## De Iurepatronatus.

7

& dicimus prærogativam militia, seu cinguli militaris) certa (per quod restringitur dictum genus ad illa tria: honorificentiam, suppeditationem alimentorum, & præsentationem; quamvis in unoquoque horum sine concurso aliorum possit confilere jus istud seu prærogativa, ita ut non sequatur: non habet jus præsentandi, ergo non habet juspator. Licit rite sequatur: non habet juspator. ergo non habet jus præsentandi. Lott. ibid. n. 23. citans Lamb. l. 1. p. 1. q. 11. a. 7. n. 8.) concessa per Ecclesiam & prærogativa enim ista tota provenit ex concessione Ecclesiaz; quod tamen non facit, quin dicatur competere de jure communi. Lott. n. 26. citans Lamb. ubi ante a. 4. n. 8.) in retributionem temporalium (ut hinc constituantur differentia inter hanc prærogativam & alias; dum ista concludit ad causam gratitudinis, in qua consistit radix ipsa & fundamentum patronatus. Lott. n. 28.) pro consituendo beneficio Ecclesiastico elargitorum; ut excludantur alia largitiones factæ ex alia causa in ecclesiastam vel beneficium semel in esse suum deducuntur. Lott. n. 29.

2. Respondeo ad secundum: Juspator. considerari dupliciter, activè & passivè, prout nimirum activè in persona præsentantis, & passivè seu applicativè in persona præsentati, quatenus per juspator. activum, seu activè consideratum sit, ne quis beneficium conferat, nisi ad præsentationem talis præsentatoris: per passivum verò, ut certi v. g. de tali familia sint præsentandi. Lott. l. 2. q. 11. n. 1. Barb. loc. cit. n. 25. citans Monetam.

**Quæstio 13.** Qualiter jus præsentandi, & juspator. distinguantur?

R Espondeo: omnis, qui habet jus præsentandi, habet etiam juspator. Sed non omnis, qui habet juspatoratus, habet jus præsentandi: nam cum juspator. non sit aliud, quam certa prærogativa per Ecclesiam concessa in retributionem &c. & hæc prærogativa restringatur ad tria illa: honorificentiam, alimentorum suppeditationem, & præsentationem personæ ad beneficium vacans, ita ut hac tria considerentur ut effectus jurispatron. & in unoquoque eorum sine aliorum concurso possit confilere jus illud sive prærogativa, iuxta dicta paulò ante ex Lott. Aliam differentiam dat Corrad. in pr. benef. l. 1. c. 6. n. 338. nimirum, quod aliud sit esse patronum, aliud habere jus præsentandi; quia primum respicit peritorum; jus verò præsentandi posseffitorum: prout etiam si quis habet jus præsentandi, non sequitur quod habeat juspator. cum ex alia causa possit competere jus præsentandi, quam ex jurepatron. Præsentatio siquidem competit quandoque per viam simplicis petitionis, veluti dum populus petit vel supplicat, ut talis instituatur in Ecclesia, ex eo quod gratum illum habeat. Sed viderur ab eo accipi præsentatio valde impræpriè, & ad summum pro pura nominatione.

**Quæstio 14.** Quotuplex sit Juspatoratus?

R Espondeo: prima divisio jurispatr. est in Ecclesiasticum, laicale, & mixtum. c. cum autem. h. t. Azor. cit. c. 19. q. 3. Barb. loc. cit. n. 3. Lott. l. 2. q. 10. n. 2. cum communi. Secunda divisio in hereditarium & gentilitium. Barb. n. 20. Lott. l. 2. q. 11. n. 3. addens ex utroque fieri tertiam speciem, qua mixtum dicitur. Tertia divisio in personale

& reale Castrop. cit. d. 2. p. 4. n. 1. Nunc de singularum harum specierum natura in particulari.

**Quæstio 15.** Quid sit juspatoratus Ecclesiasticum?

R Espondeo: esse juspatoratus, quod bonis Ecclesia comparatum est (intellige nisi postmodum titulo onerofo pervenerit ad laicum, de quo paulò post) vel competit alii ratione Ecclesiaz (sæpe enim clerici jure Ecclesiæ, quibus præsumt, habent potestatem præsentandi promovendos ad beneficia: Azor. cit. c. 9. q. 3. & juspatoratus competit Ecclesiaz, ex cuius bonis fundatum est beneficium, ita ut juspator. radicetur in Ecclesia, & in ejus Rectore tanquam puro ministro nudum hujus juris exercitum. Lott. cit. q. 10. n. 3.) dignitatis, aut beneficii, quibus annexum vel à laico Ecclesiaz, monasterio, aliive loco pio donatum, legatum &c. (hoc enim evadit Ecclesiasticum, nisi aliter præservatum fuerit à dicto donatore laico, iuxta paulò post dicenda) Castrop. loc. cit. p. 2. n. 2. citans Vasq. de benef. c. 2. ff. 1. dub. 1. Gonz. reg. 8. Cancell. gl. 18. n. 2.

**Quæstio 16.** Quid sit juspator. laicale?

1. R Espondeo: quod competit alicui sive laicus, sive clericus sit, ratione patrimonii, seu bonorum secularium impensorum in erectionem vel foundationem, seu donationem Ecclesiaz aut beneficii. Less. cit. c. 34. n. 19. Barb. loc. cit. n. 13. citans Hojedam. de incomp. benef. c. ult. n. 113. Vivian. de jurep. l. 1. p. 1. c. 3. n. 11. unde vides, ad dignoscendum, sitne juspator. Ecclesiasticum, an laicale, non considerandam personam possidentis illud, sed titulum, quo possidetur. Castrop. loc. cit. idem sentit Lott. l. 2. q. 10. n. 3. citans Abb. in c. cum autem, hoc tit. n. 3. Lamb. l. 1. p. 1. q. 1. a. f. n. 3. &c. dum ait: sensu DD. juspator. Ecclesiasticum dici illud, quod competit ratione Ecclesiaz, & laicum, quod ratione patrimonii, sive persona sit laica, sive Ecclesiastica, & clariss. n. 40. & 41. ubi: quod male arguatur ad Ecclesiastitatem, & laicalitatem jusr. ex qualitate personarum, quibus applicatur; non enim satis esse, patronum esse clericum, ut jusp. dicatur Ecclesiasticum; sed exigi, ut competit ratione Ecclesiaz, adeoque non attendendum statum personæ, nisi in ordine ad statum ipsius patronatus, nimirum num is sit in dominio Ecclesiaz, vel quia de bonis Ecclesiaz constitutus, vel quia ictuncque de bonis patrimonialibus erectus, tamen postmodum in Ecclesiastam aliquam secularis vel regularem transclusus, adeo ut ipsa Ecclesia vel monasterium dicatur patronus, & actus præsentationis ei tribuatur. Unde qui opinati sunt, eo ipso quod patronatus deveniat ad clericum, effici Ecclesiasticum, vel tropicè loqui, ponentes nomen Clerici pro ipsa Ecclesia vel beneficio, cujus Rector est Clericus, vel male sic opinari. citat pro hoc Abb. in c. cum vos. de off. deleg. n. 3. in fine, & in c. tam te. b. t. n. 4. Declarantur hæc ipsa pluribus in particulari adductis exemplis.

2. Sic itaque jus patronatus est laicale primò: quod non ratione Ecclesiaz vel beneficii Ecclesiastici, sed ratione proprii patrimonii competit Clerico; dum nimirum is ex bonis suis patrimonialibus, aut industria sua acquisitus (qualia censentur etiam acquisita ex quotidianis distributionibus, utpote de quibus pro libitu suo potest di-

A 4

spone-

sponere. Lott. cit. q. 10. n. 14. citans Jason. l. 3. conf. 75. num. 8. ) erexit, dotavit &c. beneficium. Lott. ibid. n. 12. & seq. Corra. l. 4. c. 2. n. 22. Pirh. n. 3. Barb. n. 14. citans Abb. in c. dilectus. hoc rit. n. 4. Mandos. ad reg. 1. Cancell. q. 10. n. 7. &c. Etsi enim ex eo solum, quod, qui erexit beneficium, es-  
set persona Ecclesiastica, & simul obtineret redi-  
tus Ecclesiasticos, recte presumatur, quidquid in  
hanc erectionem impensum est, processus ex bo-  
nis Ecclesiasticis, adeoque videatur sufficienter  
concludi ad Ecclesiasticitatem talis patronatus.  
Gloss. Archid. Prapos. Abb. in c. Apostolicos. Lamb.  
loc. cit. a. 7. &c. vide etiam Corr. loc. cit. nu. 45. &  
seq. nihilominus admittitur probatio contra di-  
ctam presumptionem, & haec per eam profligari  
potest. Lott. loc. cit. a. 9. Quin & Garc. p. 5. c. 1.  
n. 594. juxta decisionem, ut ait, Rotz; dum jus  
patronatus à Clerico beneficiato, qui capellam  
fundavit, relictum est suis hereditibus aut consan-  
guineis ex eo, quod illis relictum in fundatione, &  
hi erant in quasi possessione praestitandi, presumi,  
fundatum ex bonis patrimonialibus, cum aliis non  
posset illis relinquiri, nec sufficiunt ad praes-  
sentandum. Mandos. tit. de derog. jurisp. verb. quero.  
Gonz. Gl. 18. n. 107. apud eundem Garc.

3. Secundò: si Clericus laicus fundatoribus suc-  
cesserit, Barb. loc. cit. Corrad. loc. cit. nu. 58. & 54.  
in fine.

4. Tertiò: dum Clericus ex bonis acquisitis ini-  
tuitu Ecclesiae seu ex beneficiorum suorum redi-  
tibus fundat capellam, relinquendo & nominando  
patronos heredes suos vel consanguineos, jus pa-  
tronatus erit adhuc laicale; ubi consuetudo est,  
Clericos de talibus bonis posse testari & disponere,  
& in iis ab intestato succedi, sicut in patrimo-  
nialibus. Garc. cit. n. 594. ubi etiam, quod si in di-  
cto casu talis clericus de jure, nihil disponat, spe-  
ret adhuc ad heredes; secus est, ubi Clerici testa-  
ri non possunt de istiusmodi bonis; tunc enim pa-  
tronatus pertinebit ad Ecclesiam, & sic ad succe-  
sores in beneficio vel dignitate fundantis: nec po-  
test talis fundans sibi ut privato aut consanguineis,  
aut aliis id applicare. Garc. ibid.

5. Quartò: idem dicendum de episcopis haben-  
tibus indultum & facultatem testandi à Papa, fun-  
dantibus jupatron, ex bonis acquisitis ex Episco-  
patu, illudque relinquentibus suis consanguineis,  
vel aliis laicis bene visis juxta Garc. loc. cit. n. 595.  
Lott. l. 2. q. 10. n. 2. nimur illud esse laicale, eo  
quod jam talia bona per dictum indultum Ponti-  
ficium, quo conceditur potestas de iis disponendi  
tam inter vivos, quam in ultima voluntate, effecta  
jam sint de patrimonio ipsius Episcopi seu Pra-  
lati. Lott. ibid. Et quidem de jure communi est laicale,  
dicto privilegio seu indulto cadente solum seu  
extendente se super removendo impedimentoo  
juris positivi, quo inhibetur libera dispositio de talibus bonis, & non super acquirendo jure patrona-  
tus; hoc siquidem sublato impedimentoo, indul-  
tarius ea liberè impedire, in quem usum maluerit,  
adeoque dum ea impedire in fundationem benefi-  
ci & acquirendum jupatron. id facit liberè; non  
secus, ac dum Ordinario impedito conferre propter  
reservations Apostolicas conceditur, ut illis  
non obstantibus conferat, privilegium cadit super  
remotione impedimenti, non super actu collatio-  
nis secutur; sed haec dicitur Ordinaria; sicut si  
ligato pedibus solvantur vincula, beneficium dis-  
solutionis consummatur in dissolutione vinculo-

rum; actus autem sequentis ambulationis est actus  
hominis liberi, distinctus ab illo beneficio. Lott.  
à num. 34. imò dum testari non possunt Episcopi,  
fundant tamen aut dotant inter vivos capellam  
vel beneficium, solere illos, uti sapè sit in Hispania, jupatron. relinquere suis consanguineis,  
absque eo, quod ecclesia seu successor in episcopatu,  
vel Camera Apostolica, ad quam bona relicta  
spectant, in eo succedant, aut se intromittant: adeoque  
stante hac consuetudine etiam illud jupatron.  
consanguineis laicis relictum fore laicale, ait Garc.  
loc. cit. n. 596. & 597. secus tamen, dum episcopus  
ex devolutis ad se bonis feudalibus, antequam per  
ipsum incorporentur mensa sua, fundaret benefi-  
cium cum reservatione juris. pro suis consanguineis laicis, nimur jus illud patronatus minime  
reputari laicale, & eam reservationem patronatus  
esse in utili, ait Lott. à n. 24. eo quod cum bona  
illa sint de dominio Ecclesiae, & facta devolutione,  
etiam ante incorporationem, dicantur pleno jure  
pertinere ad Ecclesiam, improbable est, ut patronatus alteri quam Ecclesiae acquiratur: unde si Pa-  
pa confirmaret talem reservationem patronatus  
factam laicis, ex quo non habet causam radicata  
in jure communi, ea judicabitur ex mero privile-  
gio. Lott. loc. cit. ubi etiam numeris seq. contra Mo-  
nach. ostendit, non esse plus seu majoris præjudicii  
Ecclesiae bona Ecclesiae dare in feudum, quam ex eorum  
applicatione in erectionem beneficii consti-  
tuere jupatron. laicis.

6. Quintò: tametsi, ut dictum, dum beneficium  
fundatum ex bonis Ecclesiasticis, jupatron. etiam  
si deus transeat ad laicos, adhuc sit & maneat ec-  
clesisticum, Barb. loc. cit. n. 16. id tamen intelligendu-  
m, dum laicus acquirit dictum jupatr. titulo  
merè lucrative v. g. donatione. Barb. ibid. Pirh.  
num. 4. si enim illud acquirat titulo oneroso v. g.  
permutationis auctoritate Apostolica, mutat suam  
originalem naturam, & efficitur laicale, non secus  
ac bona Ecclesiastica sunt laicalia & patrimonialia  
juxta conditionem personæ laicalis, cui adherent,  
ne aliquoquin in nimis exorbitante lucro ver-  
satur Ecclesia, si utrumque, nimur quod illa dat  
in dicta permutatione, & quod illa accipiat à laico,  
maneret Ecclesiasticum; quod alienum videtur ab  
honestate Ecclesiae, quæ religiosa cultrix & auxtrix  
est justitia; dum non patitur, contra justitiam fieri  
aliquid in se vel in alterum. AA. iidem ibid.

7. Sextò: si laicus fundans de bonis propriis  
beneficium, jupatron. reservert Ecclesiae sub hac  
lege, ut ad eam pertineat, non tanquam ecclesiasti-  
cum, sed tanquam laicale, erit patronatus laicale,  
inspecto nimur ejus fundamento & origine; lex enim ista fundatoris præservat illud in eodem  
statu, & aliud hic nihil mutatur, quam persona haben-  
tis ministrare, per quam mutationem non mu-  
tatur qualitas illa naturalis ipsius rei. Lott. loc. cit.  
& n. 5. citans Spino, in speculo de testam. Gl. 4. n. 17.  
non obstante, quod alias translato laico jurepat,  
alias laicali in Ecclesiam, illud evadat Ecclesiasti-  
cum, & non attendatur amplius origo. Lamb. loc.  
cit. a. 8. Covar. c. 36. n. 5. Paris. vol. 4. conf. 35. n. 11.  
id enim intelligendum, nisi aliter in ipso actu  
translationis conventum. Lott. num. 7. Barb. loc.  
cit. num. 12.

8. Septimò: dum laici vacante Ecclesiae vel be-  
neficio nominant Rectorem, quem capitulum vel  
persona Ecclesiae presentat Episcopo, jupatr. est laica-  
le; quia in hoc casu laici nominantes potius di-  
cuntur